

նուի Չարչարանաց սիւնին մէկ կտորը՝ որուն վրայ Յիսուսը կապեցին Կայիափայի տան մէջ, և զոր հաւատացեալք կը համբուրեն ի յիշատակ չարչարանաց Քրիստոսի:

Աւանդութիւն է թէ Քրիստոսի չարչարանաց և խաչելու թեան ժամանակ այս մատրան տեղւոյն վրայ կը կենար Ս. Յովհաննէս Աւետարանիչը, երբեմն միայնակ և երբեմն ալ Ս. Կուսին հետ. և Քրիստոս խաչին վրայէն իր մօրը ըսաւ. «Կին դու՛ ահա որդի քո: Ապա ասէ ցաշակերտն, ահա մայր քո» (Յովն. ԺԹ. 26-27): Այս եկեղեցիին երկայնութիւնն է արեւելքէն արեւմուտք 11 ոտնաչափ, և լայնութիւնը՝ հիւսիսէն հարաւ՝ 28:

Ս. Յովհաննէս Աւետարանչի այս եկեղեցին կը յիշատակուի Սալահէտտինի կողմէ Հայոց տրուած հրովարտակին մէջ (Տե՛ս Սաւալանեանց Պատմ. Երուսաղէմի. Ա. Հտր. էջ 410), որով եւ Պաշակեպոս ժամանակ և ալ աւելի կանուխէն կը պատկանէր Հայոց: Մեր այս կարծիքին տպացոյցը սա է որ Անաստաս վրդ. իր Յուցակին մէջ կը յիշէ այս եկեղեցին, իբր վանք, «Ս. Յովնանևնու վանիկ ի դրանևն Յարութեան» խօսքերով. երեք բառերով ալ կը հասկցնէ այն ոտնձգութիւնը, զոր Վրացիները նոյն թուականին սկսած էին կատարել հայկական սրբավայրերու մէջ: Հաննէի պատմութեան համաձայն (էջ 216), 1631ին Գրիգոր Պարոնտէր պատրիարք մի՞ծ նեղութեամբ և աշխատութեամբ և յատուկ հրովարտակով շինած է այս եկեղեցիին կամարները, և դարձեալ նոյն պատմիչը կը յարէ՝ թէ «Առաջի զբան սրբոյ եկեղեցւոյս՝ այլազգիքն այրեալ են զոմն վկայեալ վասն ի Քրիստոս հաւատոյն, և տակաւին երեւի հետ ոտիցն որ տպեցաւ ի վերայ քարանց ի նշան հրաշից. ոմանք ասեն վասն Բագոսի որ թաղեցաւ ի Սիոն»:

Այս եկեղեցիին վերաբերութեամբ Հայք հետեւեալ վէճը կ'ունենան Յունաց հետ. Յոյները կը ձեռնարկեն նորոգել իրենց Հայր Աբրահամու վանքը՝ որ նախագոյն Հապէշաց սեպհականութիւն էր և սահմանակից Ս. Յովհաննէս Աւետարանչի Հայոց եկեղեցիին: Այս նորոգութեան ժամանակ կը քակեն Ս. Յովհաննէս Հայոց եկեղեցիին տանիքը և վերջնոյս քարերն ալ կը վերցնեն, իրենց տանիքին հաւասարցնելու համար զայն. վասն զի Ս. Յովհաննէս տանիքը մէկ կանգունի չափ բարձր էր ուրիշներէն, և բնական էր որ հաւասարած ժամանակ՝ եկեղեցիին առաստաղը